

LÖG

SAMTAKA ARKITEKTASTOFA – SAMARK

I. NAFN, HEIMILI OG TILGANGUR

1. gr. – Nafn og heimili

Félagið heitir Samtök arkitektastofa, skammstafað SAMARK („félagið“). Heimili þess og varnarþing er í Reykjavík.

Félagið skal auðkenna sig með sérstöku merki. Aðildarfyrirtækjum félagsins er heimilt að auðkenna sig með merki og/eða skammstöfun félagsins.

2. gr. – Tilgangur

Tilgangur félagsins er að gæta hagsmuna þeirra fyrirtækja sem eiga aðild að félaginu, efla samkeppnishæfni þeirra, stuðla að bættum starfsskilyrðum innan greinarinnar og veita aðildarfyrirtækjunum ráðgjöf og stuðning.

II. AÐILD

3. gr. – Aðild

Fyrirtæki starfandi á sviði arkitektúrs, landslagsarkitektúrs, skipulags og umhverfismótunar geta sótt um aðild að félaginu.

Senda skal skriflega umsókn um aðild að félaginu til stjórnar félagsins á þar til gerðu eyðublaði. Einfeldan meirihluta stjórnar þarf til að samþykkja aðild.

Félagið á aðild að Samtökum iðnaðarins („SI“) og Samtökum atvinnulífsins („SA“). Aðild að félaginu felur jafnframt í sér aðild að SI og SA með þeim réttindum og skyldum sem kveðið er á um í lögum þeirra.

III. AÐALFUNDUR, FÉLAGSGJÖLD O.FL.

4. gr. – Aðalfundur

Aðalfundur hefur æðsta vald í málum félagsins. Aðalfundur skal halda eigi síðar en í maí ár hvert og skal boða til hans bréflaga eða með tölvupósti með minnst sjö daga fyrirvara. Dagskrá aðalfundar skal tilgreind í fundarboði.

Aðalfundur er lögmaður sé löglega til hans boðað, án tillits til fundarsóknar.

Einn fulltrúi hvers aðildarfyrirtækis fer með atkvæðisrétt fyrirtækisins á aðalfundi. Atkvæðamagn hvers aðildarfyrirtækis er samanlagt árgjald þess til SI deilt með 1000. Ekkert aðildarfyrirtæki fer þó með meira en 20% atkvæða.

Einfeldur meirihluti atkvæða ræður úrslitum mála nema öðruvísi sé mælt fyrir um í lögum þessum.

Á aðalfundi skulu tekin fyrir eftirfarandi mál:

1. Skýrsla stjórnar um störf félagsins á liðnu starfsári.
2. Reikningsskil ásamt áætlun um tekjur og gjöld næsta starfsárs.
3. Lagabreytingar.
4. Kosning stjórnar og skoðunarmanns reikninga félagsins.
5. Kosning nefnda.
6. Önnur mál.

5. gr. – Reikningsár

Reikningsár félagsins er almanaksárið.

6. gr. – Félagsgjöld

Aðildarfyrirtæki skulu greiða árgjald til félagsins sem ákveðið er af aðalfundi ár hvert. Aðalfundur getur ákveðið að innheimta ekkert félagsgjald. Aðildarfyrirtæki skulu þó ávallt greiða félagsgjald til SI og SA samkvæmt lögum samtakanna, sbr. einnig 3. mgr. 3. gr. laga þessara.

IV. STJÓRN OG REKSTUR

7. gr. – Stjórn og rekstur

Stjórn félagsins skal skipuð fimm mönnum, formanni og fjórum meðstjórnendum. Einnig er heimilt að kjósa allt að tvo varamenn. Formaður skal kosinn sérstakri kosningu til tveggja ára í senn. Meðstjórnendur eru kosnir til tveggja ára. Einn þeirra gengur úr stjórninni um leið og formaður en hinir þrír ári síðar. Endurkjör er leyfilegt.

Kjörgengir í stjórn eru lykilstarfsmenn, í umboði aðildarfyrirtækis, og/eða eigendur aðildarfyrirtækja félagsins. Framboð til stjórnarsetu skulu berast stjórn félagsins eigi síðar en fimm dögum fyrir aðalfund. Kosning til stjórnar skal vera skrifleg, óski einn eða fleiri fundarmenn eftir því.

Stjórn skiptir með sér verkum og fer með málefni félagsins milli aðalfunda. Formaður boðar til stjórnarfunda. Rituð skal fundargerð stjórnarfunda og hún varðveitt.

Skoðunarmaður skal kosinn til tveggja ára í senn. Endurkjör er leyfilegt.

Starfsmaður SI sem fer með málefni félagsins annast daglegan rekstur þess í umboði stjórnar.

V. ÚRSÖGN OG BROTTVIKNING

8. gr. – Úrsögn

Aðildarfyrirtækjum er heimilt að segja sig úr félaginu með sex mánaða fyrirvara. Úrsögnin skal vera skrifleg og miðast við næstu mánaðamót eftir að úrsögn berst.

9. gr. – Brottvikning

Stjórn félagsins er heimilt að víkja aðildarfyrirtæki úr félaginu ef veigamikil og rökstudd ástæða þykir til og sú ákvörðun er samþykkt af öllum stjórnarmönnum. Áður en slík ákvörðun er tekin skal aðildarfyrirtæki gefinn kostur á að koma sjónarmiðum sínum á framfæri með hæfilegum fyrirvara.

Aðildarfyrirtæki getur ávallt, innan fjögurra vikna frá því að ákvörðun um brottvikningu var tilkynnt hlutaðeigandi, farið fram á að ákvörðunin verði borin undir félagsfund. Þarf þá 2/3 hluta greiddra atkvæða til að staðfesta ákvörðunina.

Stjórn félagsins er heimilt að má af félagaskrá þau aðildarfyrirtæki sem ekki hafa greitt árgjöld sín til félagsins eða SI í eitt ár eða lengur eða eru hætt störfum.

VI. NEFNDIR

10. gr. – Samninganefnd

Innan félagsins skal starfa samninganefnd sem hefur það hlutverk að semja, fyrir hönd félagsins, um kaup og kjör samkvæmt þeim kjarasamningum sem félagið á aðild að hverju sinni.

Í samninganefnd sitja þrír eða fimm einstaklingar skipaðir af stjórn félagsins til 2 ára í senn. Leitast skal við að nefndin samanstandi af fulltrúum hvort tveggja stórra og lítilla aðildarfyrirtækja. Ennfremur skal leitast við að viðhalda þekkingu innan nefndarinnar með þeim hætti að aldrei gangi fleiri en einn nefndarmaður úr nefndinni árlega. Að lágmarki skulu 2/3 hlutar fulltrúa í nefndinni vera starfandi innan aðildarfyrirtækja félagsins.

Stjórn félagsins skipar aðrar nefndir og vinnuhópa sem ákveðið er að stofna.

VII. ÖNNUR ÁKVÆÐI

11. gr. – Félagsfundir

Stjórn skal boða til félagsfundar ef hún telur ástæðu til eða ef aðildarfyrirtæki sem fara með minnst 1/8 hluta heildaratkvæðamagns í félaginu óska eftir því.

Einfaldur meirihluti atkvæða ræður úrslitum mála á félagsfundum nema öðruvísi sé mælt fyrir um í lögum þessum.

12. gr. – Kjarasamningar

Í atkvæðagreiðslum um nýjan eða breyttan kjarasamning við stéttarfélög þarf samþykki minnst 65% greiddra atkvæða, þó aldrei undir 50% af samanlögðu atkvæðamagni allra aðildarfyrirtækja félagsins.

13. gr. – Slit

Ákvörðun um slit félagsins skal tekin á aðalfundi með einföldum meirihluta atkvæða og renna eignir félagsins til starfandi menntastofnana á sviði arkitektúrs, landslagsarkitektúrs og umhverfismótunar.

14. – Lagabreytingar

Breytingar á lögum þessum má aðeins gera á aðalfundi. Til lagabreytinga þarf samþykki minnst 2/3 hluta greiddra atkvæða.

15. – Gildistaka

Lög þessi voru samþykkt á aðalfundi félagsins þann 21. maí 2019 og taka þegar gildi. Samhliða falla úr gildi eldri lög félagsins, samþykkt 27. maí 2014.

Stjórn Samtaka arkitektastofa